



ПОСЛЕДОВАНИЕ КО СВЯТОМУ ПРИЧАЩЕНИЮ

Желающий причаститься должен достойно приготовить к этому святому таинству. Приготовление (в церковной практике оно называется говением) продолжается несколько дней и касается как телесной, так и духовной жизни человека. Телу предписывается воздержание, т.е. телесная чистота и ограничение в пище (пост). В дни поста исключается пища животного происхождения — мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне Причащения надо быть на вечернем богослужении и прочесть дома, кроме обычных молитв на сон грядущим, канон покаянный, каноны Богородице и Ангелу хранителю. Каноны читают или один за другим полностью, или соединяя таким образом: читается ирмос первой песни покаянного канона

(«Яко по суху...») и тропари, затем тропари первой песни канона Богородице («Многими содержим...»), опуская ирмос «Воду прошед...» и тропари канона Ангелу хранителю, тоже без ирмоса «Поим Господеви...». Так же читают и следующие песни. Тропари перед канонами Богородице и Ангелу хранителю, а также стихирьы после канона Богородице в таком случае опускаются.

Читается также канон ко Причащению и, кто пожелает, — акафист Иисусу Сладчайшему. После полуночи уже не едят и не пьют, ибо принято приступать к таинству Причащения натощак. Утром прочитываются утренние молитвы и все последование ко святому Причащению, кроме канона, прочитанного накануне.

Перед Причащением необходима исповедь — вечером ли, или утром, перед литургией.

**Моли́твами святы́х отец на́ших,
Го́споди Иису́се Христé, Бо́же наш,
помілуй нас. Амінь.**

Слава Тебе, Бо́же наш, слава Тебе.

**Царю́ Небе́сный... (см. стр. 4). Трис-
вятое (см. стр. 4). Пресвята́я Трои́це...
(см. стр. 5). Отче наш... (см. стр. 5).
Го́споди, помілуй. (12 раз). Прииді́те,
поклоні́мся... (см. стр. 7) Трижды.**

И псалмы:

Псалом 22

Госпóдь пасёт мя, и ничтóже мя лишйт. На месте злáчне, тáмо всели́ мя, на водé покóйне воспитá мя. Дúшу мою обрати́, настáви мя на стези́ прáвды, и́мене рáди Своего. А́ще бо и пойду́ посреде́ сэни смёрт- нья, не убою́ся зла, я́ко Ты со мною еси́, жезл Твой и пáлица Твоя, та мя утэшиста. Уготóвал еси́ предо мною трапéзу сопроти́в стужáющим мне, ума́стил еси́ елéом главú мою, и ча- ша Твоя упоявáющи мя, я́ко дер- жáвна. И мило́сть Твоя поженёт мя вся дни животá моего, и éже вселити ми ся в дом Госпóдень, в долготú дней.

Псалом 23

Госпóдня земля́, и исполнэние ея́, вселénная и вси живúщи на ней. Той на морях основáл ю есть, и на

реках уготóвал ю есть. Кто взыдет на гору Господню? Или кто стáнет на мѣсте святѣм Егò? Неповíнен рукама и чист сѣрдцем, íже не прíят всѹе дѹшу свою, и не клíются лѣстию íскреннему своему. Сей прíимет благословѣние от Гòспода, и мíлостыню от Бòга, Спáса своего. Сей род íщущих Гòспода, íщущих лицѣ Бòга Иáковля. Возмíте вратá князи ваша, и возмíтєся вратá вѣчная, и внидет Царь славы. Кто есть сей Царь славы? Госпòдь крѣпок и сíлен, Госпòдь сíлен в брáни. Возмíте вратá князи вáша, и возмíтєся вратá вѣчная, и внидет Царь славы. Кто есть сей Царь славы? Госпòдь сил, Той есть Царь славы.

Псалом 115

Вѣровах, тѣмже возглагòлах, аз же смирíхся зелò. Аз же рех во изступлѣнии моем: всяк человек ложь. Что воздám Гòсподеви о всех, яже возда-

де ми? Чашу спасения прииму́ и имя Господне призову́, моли́твы моя́ Господеви возда́м пред всеми людьми́ Его. Честна́ пред Господем смерть преподо́бных Его. О Госпо́ди, аз раб Твой, аз раб Твой и сын рабы́ни Твоея́; растерза́л еси́ у́зы моя. Тебе пожру́ жéртву хвалы́, и во имя Господне призову́. Моли́твы моя́ Господеви возда́м пред всеми людьми́ Его, во двóрех до́му Господня, посредé тебе, Иерусали́ме.

Слава, и ныне: Аллилуиа. *(Трижды)*
и три поклона.

Тропари, глас 8-й

Беззакóния моя́ прэзри, Госпо́ди, от Дéвы рождéйся, и сéрдце мое очисти, храм то творя́ пречисти́тому Твоему́ Тéлу и Крóви, ниже́ отри́ни мене́ от Твоего лица́, без числа́ имéяй вéлию милость.

Слава: Во прича́стие святы́нь
Твоих ка́ко дерзну́, недосто́йный?
А́ще бо дерзну́ к Тебе присту́пѣти с
досто́йными, хитѡ́н мя облича́ет, я́ко
несть вече́рний, и осужде́ние исхо-
да́тайствую мно́ггрѣшной ду́шѣ
моей. Очи́сти, Го́споди, скве́рну ду-
шѣ моея́, и спаси́ мя, я́ко Чело́веко-
лю́бец.

И ныне: Мно́гая мно́жества моих,
Богоро́дице, прегрешѣ́ний, к Тебе
прибего́х, Чи́стая, спасѣ́ния тре́буя:
посети́ немощствую́щую мою́ ду́шу,
и моли́ Сы́на Твоего́ и Бо́га нашего́
да́ти ми оставле́ние, я́же соде́ях
лю́бых, Еди́на благослове́нная.

[Во святую же Четырдесятницу:

Егда́ сла́внии ученицы́ на умо-
вѣнии ве́чери просвещáхуся, тогда́
Иу́да злочестивый сребролю́бием
неду́говав омрача́шеся, и безза-

кѡннымъ судиямъ Тебе, праведнаго Судию, предаёт. Виждь, имений рачителю, сихъ ради удавлѣние употребивша: бежи несытыя души, Учителю такавая дерзнувшія. *Иже о всехъ благой Гѡсподи, слава Тебе.*]

Псаломъ 50: Помилуй мя, Бѡже... (см. стр. 8).

Канон, гласъ 2-й

Песнь 1

Ирмосъ: Грядите, людие, поимъ песнь Христу Бѡгу, раздѣльшему море, и наставльшему люди, яже изведе изъ рабѡты египетския, яко прославися.

Припевъ: Сѣрдце чисто созижди во мнѣ, Бѡже, и духъ правъ обновѣ во утробѣ моеи.

Хлебъ животѧ вѣчнующаго да будетъ ми Тѣло Твое Святое, благоутробне Гѡсподи, и Честная Кровь, и недугъ многообразныхъ исцелѣние.

Припевъ: Не отвѣржи мене отъ лица Твоего, и Духа Твоего Святаго не отыми отъ мене.

Оскверненъ дѣлы безмѣстными окайнный, Твоего Пречистаго Тѣла

Во оставлѣние да бѹдет ми прегрешѣний Пречистоѣ Тѣло Твое, и Божѣственная Кровь, Дѹха же Святаго общѣние, и в жизнь вѣчную, Человеколюбче, и страстѣй и скорбѣй отчуждѣние.

Прпев: Пресвятая Богородице, спаси нас.

Богородичен: Хлѣба животнога Трапѣза Пресвятая, свѣше мѣлости ради сшѣдшаго, и мѣрови новый живѣт дающаго, и менѣ ныне сподѣби, недостѣйнаго, со страхом вкусити сегѣ и живу бѣти.

Песнь 4

Ирмос: Пришел еси от Дѣвы, не ходатай, ни Ангел, но Сам, Господи, воплощься, и спас еси всего мя человека. Тем зову Ти: слава силе Твоей, Господи.

Прпев: Сердце чисто созижди во мне, Бже, и дух прав обнови во утробе моей.

Восхотел еси, нас ради воплощься, Многомѣлостиве, заклан бѣти яко овча, грех ради человеческих: темже молю Тя, и моя очисти согрешѣния.

Припев: Не отвѣржи мене от лица Твоего, и Духа Твоего Святаго не отыми от мене.

Исцели души моея язвы, Господи, и всего освяти: и сподоби, Владыко, яко да причащуся тайныя Твоея Божественныя вечера, окаянный.

Припев: Пресвятая Богородице, спаси нас.

Богородичен: Умилостиви и мене Сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

Песнь 5

Ирмос: Света Подателю и веков Творче, Господи, во свете Твоих повелений настави нас; разве бо Тебе иного бога не знаем.

Припев: Сердце чисто созижди во мне, Боже, и дух прав обнови во утробе моей.

Якоже предрекл еси, Христэ, да будет убо худому рабу Твоему, и во мне пребуди, якоже обещался еси: се бо Тело Твое ям Божественное и пию Кровь Твою.

Припев: Не отвѣржи мене от лица Твоего, и Духа Твоего Святаго не отыми от мене.

Слѡве Бѡжий и Бѡже, уголь Тѣла Твоего да будет мне помраченному в просвещеніе, и очищеніе оскверненной души моей Кровь Твоя.

Припев: Пресвятая Богородице, спаси нас.

Богородичен: Маріе, Мати Бѡжия, благоуханія честное селеніе, Твоими молитвами сосуд мя избранный соделай, яко да освященный причащуся Сына Твоего.

Песнь 6

Ирмос: В бездне греховней валяся, неизследную милосердия Твоего призываю бездну: от тли, Бѡже, мя возведи.

Припев: Сердце чисто созижди во мне, Бѡже, и дух прав обнови во утробе моей.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Припев: Не отвѣржи мене от лица Твоего, и Духа Твоего Святаго не отыми от мене.

Да бых устранился от страстей, и Твоея благодати имел бы приложение, живота же утверждение, причащением Святых, Христэ, Таин Твоих.

Прпев: Пресвятая Богородице, спаси нас.

Богородичен: Божие, Бóже, Слово Свято́е, всего мя освяти́, ныне приходящаго к Божественным Твоим Тайнам, Святы́я Матере Твоея мольба́ми.

Кондак, глас 2-й

Хлеб, Христэ, взяти не презри мя, Тело Твое, и Божественную Твою ныне Кровь, пречистых, Влады́ко, и страшных Твоих Таин причаститися окаяннаго, да не будет ми в суд, да будет же ми в живóт вéчный и безсмéртный.

Песнь 7

Ирмос: Телу златому премудрыя дéти не послужиша, и в пламень сами поидоша, и бóги их обруга́ша, среди́ пламене возопи́ша, и ороси́ я Ангел: услы́шася уже́ уст ва́ших моли́тва.

Прпев: Сёрдце чїсто созїжди во мне, Бóже, и дух прав обновї во утрóбе моей.

Источник благїх, причащєние, Христє, безсмёртных Твоих ныне Таїнств да будет ми свет, и живóт, и безстра́стие, и к преспєянию же и умножєнию добродєтели Божєственнейшия ходáтайственно, едїне Бла́же, я́ко да сла́влю Тя.

Прпев: Не отвєржи менє от лицá Твоего, и Дúха Твоего Свята́го не отымї от менє.

Да избáвлюся от страстєй, и врагóв, и нúжды, и всякїя скóрби, трепетом и любóвию со благоговєнием, Человеколю́бче, приступáяй ныне к Твоим безсмёртным и Божєственным Тайнам, и пєти Тебе сподóби: благословєн еси́, Гóсподи, Бóже отєц наших.

Прпев: Пресвятая Богородице, спаси нас.

Богородичен: Спáса Христá рóждшая пáче умá, Богоблагодáтная, молю́ Тя ныне, раб Твой, Чїстую нечїстый: хотя́щаго мя ныне к пре-

**чѣстым Тайнам пристѹпити, очѣисти
всего от сквѣрны плѣти и дѹха.**

Песнь 8

Ирмос: В пещь ѳгненную ко отрокомъ еврейскимъ снизшедшаго, и пламень в рѣсу предложшаго Бѣга, пойте дела, яко Гѣспода, и превозносите во вся вѣки.

Припев: Сѣрдце чѣсто созижди во мне, Бѣже, и духъ правъ обновѣ во утрѣбе моей.

**Небѣсныхъ, и страшныхъ, и святыхъ
Твоихъ, Христѣ, ныне Таинъ, и Божественныхъ Твоея и тайныхъ вѣчери
ѳбщника быти и мене сподѣби отчаяннаго, Бѣже, Спасе мой.**

Припев: Не отвержи мене от лица Твоего, и Дѹха Твоего Святѣго не отыми от мене.

**Под Твое прибѣгъ благоутрѣбие,
Блаже, со страхомъ зовѹ Ти: во мне пребудѣ, Спасе, и азъ, якоже рекл еси,
в Тебе; се бо, дерзая на милость Твою, ям Тѣло Твое и пию Кровь Твою.**

Припев: Пресвятая Трѣице, Бѣже нашъ, слава Тебе.

Троичен: Трепещу, приѣмля огонь,
да не опалюся, яко воск и яко трава;
боле страшнаго таинства! Оле благо-
утробия Божия! Како Божественнаго
Тѣла и Крѡве брѣние причащаюся, и
нетленен сотворяюся?

Песнь 9

Ирмос: Безначальна Родителя Сын, Бог и
Господь, воплощься от Дѣвы нам явися, ом-
раченна просветити, собрати расточенная:
тем всепетую Богородицу величаем.

Припев: Сердце чисто созижди во мне, Бже,
и дух прав обнови во утробе моей.

Христос есть, вкусите и видите:
Господь нас ради, по нам бо древле
бывый, единою Себе принѣс, яко
приношение Отцу Своему, присно
закаляется, освящаяй прича-
щающихся.

Припев: Не отвержи мене от лица Твоего, и
Духа Твоего Святаго не отыми от мене.

Душею и телом да освящуся, Вла-
дыко, да просвещуся, да спасуся, да
буду дом Твой причащением свя-
щенных Таин, живущаго Тя имѣя в

себе со Отцём и Духом, Благодётелю Многомилостиве.

Прпев: Воздаждь ми радость спасения Твоего и Духом Владычним утверди мя.

Якоже огонь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, поклонятися Божеству Твоему.

Прпев: Пресвятая Богородице, спаси нас.

Богородицен: Бог воплотися от чистых кровей Твоих; темже всякий род поёт Тя, Владычице, умная же множества славят, яко Тобою яве узреша всеми Владычествующаго, осуществовавшагося человеком.

Достойно есть... (см. стр. 28). **Трисвятное** (см. стр. 4). **Пресвятая Троице...** (см. стр. 5). **Отче наш...** (см. стр. 5). Тропарь дня или праздника. Если воскресение, тропарь воскресный по гласу. Если же нет, настоящие тропари, глас 6-й:

Помілуй нас, Гóсподи, помілуй нас; всякаго бо отвѣта недоумѣюще, сию́ Ти моли́тву, я́ко Влады́це, грѣшнии принóсим: помілуй нас.

Слава: Гóсподи, помілуй нас, на Тя бо упова́хом; не прогнѣвайся на ны зело́, ниже́ помяни́ беззакóний наших, но при́зри и ныне́ я́ко благоутрóбен, и избáви ны от враг наших. Ты бо еси́ Бог наш, и мы лю́дие Твои, вси дела́ руку́ Твоею, и і́мя Твое призывáем.

И ныне́: Милосѣрдия двѣри отвѣрзи нам, благословѣнная Богорóдице, надѣющіися на Тя да не погибнем, но да избáвимся Тобою от бед: Ты бо еси́ спасѣние рóда христі́анскаго.

Гóсподи, помілуй. (40 раз) *И поклоны, сколько хочешь.*

И стихи:

Хотя́ ясти, челове́че, Тѣло Вла-
ды́чне,

Страхом приступи, да не опалиши: огонь бо есть.

Божественную же пия Кровь ко общению,

Первее примирися тя опечалившим.

Таже дерзая, таинственное брашно яждь.

Прежде причастия страшныя жертвы,

Животворящаго Тела Владычня,

Сим помолися образом со трепетом:

Молитва

святого Василия Великого, 1-я

**Владыко Господи Иисусе Христэ,
Боже наш, источник жизни и бессмертия, вся твари видима и невидима Содетелю, безначальнаго Отца соприсносущный Сыне и собезначальный, премногия ради благодати в последние дни в плоть обол-**

кийся, и распныйся, и погребыйся за ны, неблагодарныя и злонравныя, и Твоею Крѳвию обновивый растлѳвшее грѳхѳм естество наше, Сам, Безсмѳртный Царю, прими и мое грѳшнаго покаяние, и приклони ухѳ Твое мне, и услыши глагѳлы моя. Согреших бо, Гѳсподи, согреших на небо и пред Тобою, и не смь достоин возрѳти на высоту славы Твоея: прогневах бо Твою бѳгость, Твоя заповѳди преступив и не послушав Твоих повелѳний. Но Ты, Гѳсподи, незлѳбив сый, долготерпѳлив же и многомѳлостив, не предал еси мя погѳбнути со беззакѳньми моими, моего всячески ожидая обращѳния. Ты бо рекл еси, Человеколюбче, прорѳком Твоим: яко хотѳнием не хошю смѳрти грѳшника, но ѳже обратѳтся и живу быти ему. Не хощѳши бо, Владыко, создания Твоею руку погубѳти, ниже

благволиши о погйбели чело-
вечестей, но хощеши всем спастися
и в разум истины приити. Темже и
аз, аще и недостойн есмь небесе и
земли, и сея привременныя жизни,
всего себе повинув греху, и сладем
поработив, и Твой осквернив образ;
но творение и создание Твое быв, не
отчаяваю своего спасения окаянный,
на Твое же безмерное благоутрбие
держая, прихожду. Приими убо и ме-
не, Человеколюбче Господи, якоже
блудницу, яко разбойника, яко мы-
таря и яко блуднаго, и возми мое
тяжкое бремя грехов, грех вземляй
мира, и немощи человеческия исце-
ляяй, труждающиеся и обремененныя к Себе призываяй и упокое-
ваяй, не пришедый призвати пра-
ведныя, но грешныя на покаяние. И
очишти мя от всякия скверны плоти
и духа, и научи мя совершати свя-
тыню во страхе Твоем: яко да чйс-

тым сведением совести моея, святынь Твоих часть приѣмля, соедини́ся свято́му Тѣлу Твоему и Крѳви, и имѣю Тебе во мне живу́ща и пребыва́юща, со Отцѣм и Святы́м Твоим Духом. Ей, Гѳсподи Иисусе Христѣ, Бѳже мой, и да не в суд ми будет прича́стие пречи́стых и животворя́щих Та́ин Твоих, ниже́ да немо́щен бу́ду душе́ю же и телом, от ѣже недостѳйне тем причащ́атися, но даждь ми, да́же до конѣчнаго моего издых́анія, неосужде́нно восприима́ти часть святы́нь Твоих, в Духа Свята́го общѣние, в напу́тие живота́ вѣчнаго, и во благоприятен отвѣт на Стра́шнем Суди́щи Твоем: я́ко да и аз со все́ми избра́нными Твоими общник бу́ду нетлѣнных Твоих благ, я́же уготовал еси́ любя́щим Тя, Гѳсподи, в нихже препросла́влен еси́ во вѣки. Ами́нь.

Молитва

святаго Иоанна Златоустаго, 2-я

Гѡсподи Бѡже мой, вем, яко несмь достѡин, ниже довлѣн, да под кровъ внѣдеша хрѡма души моея, занѣже весь пуст и пѡлса естъ, и не имаша во мене мѣста достѡйна, ѣже главѣ подклонѣти; но якоже с высоты нас ради смирил еси Себѣ, смирился и ныне смиренію моему; и якоже воспріял еси в вертѣпе и в яслехъ безсловесныхъ возлещи, сице восприими и в яслехъ безсловесныхъ моея души, и во оскверненное мое тело внѣти. И якоже не недостѡбил еси внѣти и свечеряти со грѣшники в дому Симона прокаженного, тако избѡли внѣти и в дом смиренныхъ моея души, прокаженныхъ и грѣшныхъ; и якоже не отринул еси подобную мне блудницу и грѣшную, пришедшую и прикоснувшуюся Тебе, сице умилосердися и о мне грѣшнемъ, прихо-

дѣшем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнушайся скверных уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми уголь пресвятаго Твоего Тела, и честныя Твоея Крове, во освящение и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго диавольскаго дѣянія, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати и Твоего Царствия присвоение. Не бо яко презираяй приходяю к Тебе, Христѣ Божѣ, но яко дерзая на неизреченную Твою благодать, и да не на мнозе удаляяйся

общения Твоего, от мысленнаго вѣлика звероуловленъ буду. Тѣмже молюся Тебе: яко единъ сый Свят, Владыко, освяти мою душу и тѣло, ум и сердце, чревеса и утробы, и всего мя обновй, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и мольбами Пречистыя Твоея Матере, невещественных Твоих служителей и пречистых Сил, и всех святых, от века Тебе благоугодивших. Аминь.

Молитва

святого Симеона Метафраста, 3-я

Едине чистый и нетленный Господи, за неизреченную милость человеколюбия наше все восприимый смешение, от чистых и девственных

кровей паче естества Рóждшия Тя, Духа Божественнаго нашествием и благоволением Отца присносущнаго, Христэ Иисусе, премудросте Бóжия, и мире, и силó; Твоим восприятием животворящая и спасительная страдания восприёмый, крест, гвóздя, копие, смерть, умертвii моя душетлénныя стрáсти телésныя. Погребéнием Твоим áдова пленный царствия, погребii моя блáгими пóмыслы лукавая совéтования, и лукавствия дýхи разорii. Триднéвным Твоим и живонóсным воскресéнием пáдшаго прáотца возста́вивый, возста́ви мя, грехóm попóлзшагося, образы мне покаяния предлага́я. Преслáвным Твоим вознесéнием плотскóе обоживый восприя́тие, и сиé десным Отца седéнием почтýй, сподóби мя прича́тием святых Твоих Таин десную часть спаса́емых получи́ти. Снiтием

Утѣшителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки приити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. Аминь.

Молитва

святого Иоанна Дамаскина, 4-я

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец, презри моя вся в ведении и не в ведении прегрешения, и сподоби мя неосужденно причаститися Божественных, и пре-

славных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение и освящение, и обручение будущаго живота и царствия, в стѣну и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем и Святым Духом, ныне и присно и во веки веков. Аминь.

Молитва

святого Василия Великого, 5-я

Вем, Господи, яко недостойне причащаюся пречистаго Твоего Тѣла и честныя Твоея Крѣве, и повинен есмь, и суд себе ям и пию, не рассуждая Тѣла и Крѣве Тебе, Христа и Бога моего, но на щедроты Твоя дерзая, прихожду к Тебе, рекшему: ядый Мою Плоть, и пий Мой Кровь, во Мне пребывает, и аз в

нем. Умилосердися ўбо, Гóсподи, и не обличи́ мя грéшнаго, но сотвори́ со мною по мѣлости Твоей; и да бѣдут ми святѣя сия во исцелѣние, и очищѣние, и просвещѣние, и сохранѣние, и спасѣние, и во освящѣние души́ и тѣла; во отгна́ние всякаго мечтѣннѣя, и лукаваго дея́ннѣя, и дѣйства диавольскаго, мысленне во удесѣх моих дѣйствуемаго, в дерзнове́ние и любóвь, яже к Тебе; во исправлѣние жити́я и утверждѣние, в возвращѣние добродѣтели и соверше́нства; во исполнѣние за́поведей, в Дѹха Свята́го общѣние, в напѹтие живота́ вѣчнаго, во отвѣт благоприя́тен на Стра́шнем Судѣщи Твоем: не в суд или́ во осуждѣние.

Молитва

святого Симеона Нового Богослова, 6-я

От сквѣрных устѣн, от мѣрзкаго сѣрдца, от нечи́стаго язы́ка, от души́ оскверне́ны, приими́ молѣние, Хри-

сте мой, и не презри моих ни словес, ниже образв, ниже безстудия. Дажь ми дерзновенно глаголати, яже хощу, Христе мой, паче же и научи мя, что ми подобает творити и глаголати. Согреших паче блудницы, яже уведе, где обитаеши, миро купивши, прииде дерзостне помазати Твои нозе, Бога моего, Владыки и Христа моего. Якоже ону не отринул еси, пришедшую от сердца, ниже мене возгнушайся, Слове: Твои же ми подаждь нозе, и держати, и целовати, и струями слезными, яко многоценным миром, сия дерзостно помазати. Омий мя слезами моими, очисти мя ими, Слове. Остави и прегрешения моя, и прощение ми подаждь. Веси зол множество, веси и струпы моя, и язвы зриши моя, но и веру веси, и произволение зриши, и воздыхание слышиши. Не тайтся Тебе, Боже мой, Творче мой, Избавителю мой,

ниже́ ка́пля слéзная, ниже́ ка́пли
часть не́кая. Несодéланное мое
видесте о́чи Твои, в кни́зе же Твоей
и еще несодей́нная напи́сана Тебе
суть. Виждь смире́ние мое, виждь
труд мой ели́к, и грехи́ вся оста́ви
ми, Бо́же вся́ческих: да чи́стым
сердцем, притре́петною мы́слию, и
душе́ю сокруше́нною, нескве́рных
Твоих причащúся и пресвяты́х
Таин, и́миже оживляется и обо-
жа́ется всяк яды́й же и пия́й чи́стым
се́рдцем; Ты бо рекл еси́, Влады́ко
мой: всяк яды́й Мою́ Плоть и пия́й
Мою́ Кровь, во Мне у́бо сей пребы-
ва́ет, в нёмже и Аз есмь. И́стинно
сло́во вся́ко Влады́ки и Бо́га моего́:
Божéственных бо причащáйся и
боготворя́щих благода́тей, не у́бо
есмь еди́н, но с Тобою, Христé мой,
Светом трисо́лнечным, просве-
ща́ющим мир. Да у́бо не еди́н пре-
бу́ду кроме́ Тебе, Живода́вца, ды-
ха́ния моего́, живота́ моего́,

радования моего, спасения миру. Сего ради к Тебе приступих, якоже зриши, со слезами и душею сокрушенною, избавления моих прегрешений прошу прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокайным: да не кроме обрет мя Твоя благодати, прелестник восхитит мя льстивне, и прельстив, отведет боготворящих Твоих словес. Сего ради к Тебе припадаю, и тепле вопию Ти: якоже блуднаго приял еси, и блудницу пришедшую, тако прими мя блуднаго и сквернаго, Щедре. Душею сокрушенною, ныне бо к Тебе приходя, вем, Спасе, яко иный, якоже аз, не прегрешу Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие

крайнее; но милостию сострастия
тёпле кающихся, и чистиши, и
свѣтлиши, и свѣта твориши при-
частники, общники Божества Твое-
го соделоваяй незавѣстно, и
странное и Ангелом, и человѣческим
мыслом, бесѣдуеши им многажды,
якоже другом Твоим истинным.
Сия дерзостна творят мя, сия впе-
ряют мя, Христѣ мой. И дерзая Тво-
им богатым к нам благодеянием,
радуясь вкупѣ и трепѣща, огнѣви
причащаются трава сый, и странно
чудо, орошаем неопально, якоже ўбо
купина дѣвѣ неопально горящи.
Ныне благодарною мыслию, благо-
дарным же сердцем, благодарными
удесы моими, души и тѣла моего,
покланяюся и величаю, и славос-
ловлю Тя, Божѣ мой, яко благосло-
венна суща, ныне же и во вѣки.

*Молитва**святого Иоанна Златоустого, 7-я*

Бóже, осла́би, оста́ви, прости́ ми согрешéния моя, ели́ка Ти согреших, áще слóвом, áще дéлом, áще помышлénием, вóлею или́ невóлею, рáзумом или́ неразúмием, вся ми прости́, яко Благ и Человеколю́бец, и моли́твами Пречи́стыя Твоея́ Мáтере, úмных Твоих служите́лей и святы́х Сил, и всех святы́х, от вéка Тебе благоугоди́вших, неосуждénно благоволи́ прияти ми святóе и пречи́стое Твое Тéло и честнóую Крoвь, во исцелéние души́ же и тéла, и во очищéние лука́вых моих помышлénий. Яко Твое есть ца́рство и си́ла и слава, со Отцéм и Святы́м Дúхом, ныне и присно и во вéки векóв. Ами́нь.

Его же, 8-я

Несмь дово́лен, Влады́ко Го́споди, да вни́деси под кров ду́ши моея́; но понéже хóщещи Ты, я́ко Человеколюбец, жи́ти во мне, дерза́я присту́паю; повелева́еши, да отве́рзу двéри, я́же Ты еди́н созда́л еси́, и вни́деси со человеколю́бием я́коже еси́, вни́деси и просвеща́еши помраче́нный мой по́мысл. Ве́рую, я́ко сиé сотвори́ши: не бо блудни́цу, со слеза́ми прише́дшую к Тебе, отгна́л еси́; ни́же мыта́ря отве́ргл еси́ пока́явша́ся; ни́же разбо́йника, позна́вша Ца́рство Твое, отгна́л еси́; ни́же гони́теля пока́явша́ся оста́вил еси́, е́же бе: но от пока́яния Тебе прише́дшия вся, в лице Твоих другóв вчини́л еси́, Еди́н сый благослове́нный всегда́, ныне и в безконéчныя ве́ки. Ами́нь.

Его же, 9-я

Гѡсподи Иисусе Христе, Бѡже мой, ослаби, остави, очисти и прости ми, грѣшному и непотрѣбному, и недостѡйному рабѹ Твоему, прегрѣшения, и согрѣшения, и грехопадѣния моя, елика Ти от юности моея, даже до настоящаго дне и часа согрѣших: аще в разуме и в неразумии, аще в словесех или делех, или помышленіих и мыслех, и начинаніих, и всех моих чѹствах. И молитвами безсеменно рѡждшия Тя, Пречистыя и Приснодѣвы Маріи, Матере Твоея, единаго непостыднаго надежды и предстательства и спасенія моего, сподоби мя неосужденно причаститися пречистых, безсмертных, животворящих и страшных Твоих Таинств, во оставленіе грехов и в жизнь вѣчную; во освященіе, и просвещеніе, крепость, исцеленіе, и здравіе души же и тѣла, и в потреб-

лѣние и всесовершенство погублѣние лукавых моих помыслов, и помышлений, и предприятий, и ночных мечтаний, темных и лукавых духов; яко Твое есть царство, и сила, и слава, и честь, и поклонение, со Отцем и Святым Твоим Духом, ныне и присно и во веки веков. Аминь.

Молитва

святого Иоанна Дамаскина, 10-я

Пред дверьми храма Твоего предстою, и лютых помышлений не отступаю; но Ты, Христѣ Бже, мытаря оправдивый, и хананею помиловавший, и разбойнику рая двери отверзый, отверзи ми утробы челолюбия Твоего и прими мя приходяща и прикасающася Тебе, яко блудницу и кровоточивую: оба убо края ризы Твоея коснувшись, удобь исцеление прият, оба же пречистей Твои нозе удержавши, разрешение грехов понесе. Аз же, окаянный, все

Твое Тѣло дерзая воспріяти, да не опалѣн бѹду; но приими мя, якоже ѡбныя, и просвети моя душѣвныя чѹства, поपालя моя грехѡвныя вины, молитвами безсеменно Рѡждшия Тя и Небесных Сил; яко благословѣн еси во вѣки векѡв. Аминь.

*Молитва
святаго Иоанна Златоустаго*

Вѣрую, Гѡсподи, и исповѣдую, яко Ты еси воистину Христѡс, Сын Бѡга живаго, пришедый в мир грѣшныя спасти, от нихже пѣрвый есмь аз. Еще вѣрую, яко сие есть самое пре-чистое Тѣло Твое, и сия есть самая честная Кровь Твоя. Молюся ѹбо Тебе: помилуй мя, и прости ми прегрѣшения моя, вѡльная и невѡльная, яже слѡвом, яже дѣлом, яже вѣдением и невѣдением, и сподѡби мя неосужденно причаститися пре-чистых Твоих Таинств, во остав-

лѣние грехѡв и в жизнь вѣчную.
Амѣнь.

*Приходя же причаститься, произноси
мысленно эти стихи Метафраста:*

Се приступаю к Божественному
Причащенію.

Содѣтелю, да не опалиши мя при-
общеніем:

Огнь бо еси, недостѡйныя попа-
ляяй.

Но убо очисти мя от всякія сквер-
ны.

Затем:

Вѣчери Твоея тайныя днесь, Сыне
Божий, причастника мя приими; не
бо врагом Твоим тайну повѣм, ни
лобзання Ти дам, яко Иуда, но яко
разбойник исповедаю Тя: помяни
мя, Господи, во Царствии Твоем.

Господи, скверну души моея, и спаси мя, яко Человеколюбец.

Также молитву:

Владыко Человеколюбче, Господи Иисусе Христе, Боже мой, да не в суд ми будут Святая сия, за еже недостойну ми быти, но во очищение и освящение души же и тела, и во обречение будущия жизни и царствия. Мне же, еже прилепятся Богу, благо есть, полагати во Господе упование спасения моего.

И еще:

Вечери Твоея тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

